

Cressi cun plui lenghis

10 bogns motîfs par cressi il to frut cun plui di une lenghe, anje chê furlane

Istudis sientifics a dimostrin che i fruts bilengâi o plurilengâi a àn capacitâts cognitivis e metacognitivis plui grandis a pet di un frut monolengâl: ve alore che al devente impuartant informâsi e rifleti su lis sieltis linguistichis di fâ cuant che al rive un frutin in cjase. Fra la schirie di stimuli, di occasions e di pussibilitâts che i gjenitôrs a puedin decidi di regalâ ai lôr fis pal futûr e pal lôr benstâ, e je anje chê di passâur, in maniere naturâl, il furlan o chês altris lenghis de famee. Chi sot, cualchi spont par sielzi cun cussience.

1. Se tu sielzis di cressi to fi bilengâl, tu i dâs alc di plui di dôs lenghis: une oportunitât grande e tancj vantaçs cognitîfs, linguistics e metalinguistics.
2. Lis lenghis regionâls, tant che il

furlan, a son une risorse preziose e une oportunitât fantastiche, par cressi i tiei fis cun plui lenghis.

3. I vantaçs dal bilinguism a son leâts al aprediment di cualsisei lenghe, locâl o globâl; il cerviel nol fâs distinzion fra lenghis utilis e mancûl utilis, grandis o piçulis.
4. Imparâ il furlan di picinins al è facil, al è un procès spontani e naturâl tant che il cjaminâ, e al jude a imparâ altris lenghis come, par esempi, l'inglês.
5. Cui che al fevele furlan al rinfuarcis la sô inteligence: i plurilengâi dispès a imparin a lei prime e a son plui brâfs te atenzion seletive e tal passaç di un compit a di chel altri.
6. I plurilengâi a àn une cussience



plui grande des culturis diferentis, de vision di chei altris e di altris ponts di viste, e a son plui vierts e tolerantis.

7. Cui che al cres cun plui lenghis al mostre une plui grande adatabilitât e disponibilitât ai cambiaments.
8. Sielzi par to fi il furlan a scuele, al slargje i tims di esposizion ae lenghe e a 'nt fâs cressi la considerazion, motivant ancjemò di plui il frut a doprâle.
9. Cressi to fi plurilengâl cu la cussience che il furlan al rapresente une risorse e une oportunitât di no pierdi, al jude a sfantâ i prejudizis sul plurilinguism, promovint une culture educative moderne, europeane e plurilengâl.
10. Infîn, e chest al vâl no dome pai frutins, fevelâ par furlan al fâs restâ zovins: i studis a mostrin che il plurilinguism nus difint dal declin cognitîf de tierce etât e a 'nt intarde i segnâi.

Pagjine par cure de ARLeF - Agjenzie Regjonâl pe Lenghe Furlane

